

**BOSNA I HERCEGOVINA**  
**FEDERACIJA BOSNE I HERCEGOVINE**  
**Federalno ministarstvo poljoprivrede, vodoprivrede i šumarstva**

# **PROGRAM**

novčanih podrški u poljoprivredi i ruralnom razvoju za 2021. godinu

**Sarajevo, mart 2021. godine**

# PROGRAM

novčanih podrški u poljoprivredi i ruralnom razvoju za 2021. godinu

- 1. Period realizacije:** Od 01.01. do 31.12.2021. godine
- 2. Ukupna vrijednost:** 87.000.000 KM
- 3. Namjena Programa:** Podrška proizvodnji kroz model poticaja proizvodnji, a plaćanja u sklopu mjera strukturne politike kroz model podrške dohotku, model kapitalnih ulaganja, model ruralnog razvoja i model ostalih vrsta podrški
- 4. Korisnici Programa:** Klijenti upisani u Registar poljoprivrednih gazdinstava /Registar klijenata
- 5. Izvor sredstava:** Budžet Federacije Bosne i Hercegovine za 2021. godinu – sredstva utvrđena u razdjelu 24, glava 2401, ekonomski kod 6145 „Subvencije privatnim preduzećima i preduzetnicima – Poticaj za poljoprivredu Federalnom ministarstvu poljoprivrede, vodoprivrede i šumarstva“ („Službene novine Federacije BiH“, broj 4/21)
- 6. Nosilac Programa:** Federalno ministarstvo poljoprivrede, vodoprivrede i šumarstva
- 7. Odgovorno lice:** mr. sci. Šemsudin Dedić, ministar

## UVOD

Programom novčanih podrški u poljoprivredi i ruralnom razvoju određuje se godišnji iznos sredstava novčanih podrški, vrste mjera i raspodjela sredstava po mjerama, te opći i posebni kriteriji za njihovo ostvarivanje.

Kod izrade Programa novčanih podrški u poljoprivredi i ruralnom razvoju za 2021. godinu (u daljnjem tekstu: Program podrški) vodilo se računa o:

- a) Odredbama Zakona o poljoprivredi („Službene novine Federacije BiH“, br. 88/07, 04/10, 27/12 i 7/13);
- b) Odredbama Zakona o novčanim podrškama u poljoprivredi i ruralnom razvoju („Službene novine Federacije BiH“, br. 42/10 i 99/19); (u daljnjem tekstu: Zakona o novčanim podrškama);
- c) Principima Srednjoročne strategije razvoja poljoprivrednog sektora u Federaciji BiH 2015.-2020. godina (Zaključak Vlade Federacije Bosne i Hercegovine V. broj: 267/2021 od 11.02.2021. godine)
- d) Odredbama Zakona o izvršenju Budžeta Federacije BiH za 2021. godinu („Službene novine Federacije BiH“, broj 4/21).

## POGLAVLJE I. CILJEVI I SVRHA PROGRAMA PODRŠKI

### Član 1.

( Ciljevi Programa podrški)

Programom podrški realizovat će se prioritetne mjere novčanih podrški po modelu poticaja proizvodnji i dio mjera strukturne politike koje trebaju doprinijeti ispunjavanju slijedećih ciljeva:

- a) unaprjeđenje poljoprivredne proizvodnje i povećanje obima korištenja poljoprivrednog zemljišta s ciljem jačanja konkurentnosti na domaćem i inostranom tržištu;
- b) povećanje ponude domaćim poljoprivrednim proizvodima uz poboljšanje kvaliteta zdravstvene i higijenske ispravnosti proizvoda u skladu sa zahtjevima potrošača;
- c) osiguranje stabilnog poljoprivrednog dohotka i poboljšanje životnog standarda poljoprivrednih proizvođača;
- d) postepena harmonizacija i integracija sektora poljoprivrede u EU i globalno tržište.

### Član 2.

(Svrha Programa podrški)

Svrha Programa podrški je nastaviti podršku prioritetnim mjerama u okviru raspoloživog budžeta, kako bi se osigurala kontinuirana isplata poticaja proizvodnji i plaćanja u sklopu mjera strukturne politike za 2021. godinu. Direktnim podrškama, kao i strukturnim mjerama, želi se osigurati dugotrajna održivost poljoprivrednih gazdinstava koja obavljaju poljoprivrednu djelatnost u biljnoj i animalnoj proizvodnji. Pored modela poticanja proizvodnji, u Programu podrški su zastupljeni i drugi modeli novčanih podrški iz Zakona o novčanim podrškama.

## **POGLAVLJE II. KRITERIJI ZA RASPODJELU SREDSTAVA**

### **Član 3.**

(Pravo na novčanu podršku)

(1) Pravo na finansijska sredstva utvrđena u razdjelu 24, glava 2401, ekonomski kod 6145 „Subvencije privatnim preduzećima i preduzetnicima – Poticaj za poljoprivredu Federalnom ministarstvu poljoprivrede, vodoprivrede i šumarstva (u daljnjem tekstu Federalno ministarstvo) odobrvat će se fizičkim i pravnim licima (u daljem tekstu: klijent), koji ispune opće i posebne kriterije.

(2) Gramatička terminologija korištenja muškog ili ženskog roda za pojmove u ovom Programu podrški uključuje oba roda.

### **Član 4.**

(Opći kriteriji)

(1) Da bi klijent ostvario pravo na novčanu podršku mora ispuniti opće i posebne kriterije.

(2) Pod općim kriterijima se smatra, da je klijent:

- a) državljanin Bosne i Hercegovine;
- b) registrovan kao pravno lice, poljoprivredni obrt ili fizičko lice, ima sjedište/ prebivalište u Federaciji Bosne i Hercegovine (u daljem tekstu: Federacija BiH);
- c) ostvario poljoprivrednu proizvodnju ili drugu djelatnost na teritoriji Federacije BiH, propisanu ovim Programom podrški;
- d) upisan u Registar poljoprivrednih gazdinstava ili Registar klijenata, (u daljem tekstu: RPG ili RK), kao i Registar pčelara i pčelinjaka za klijente koji se bave uzgojem pčelinjih zajednica;
- e) ispunio propisane posebne kriterije iz Programa podrški, te kriterije iz naprijed navedenih zakonskih, kao i podzakonskih propisa koji bliže uređuju predmetnu oblast novčanih podrški u poljoprivredi i ruralnom razvoju za period 01.10.2020. godine do 01.10.2021.godine;
- f) ostvario pravo u ponovljenom postupku provedenom po pravosnažnoj sudskoj presudi iz oblasti novčanih podrški, odnosno po pravosnažnom rješenju donesenom u drugostepenom postupku;
- g) izmirio obaveze ili sklopio sporazum o reprogramu duga kod nadležne porezne uprave Federacije BiH/Uprave za indirektno oporezivanje BiH za 2020. godinu.

### **Član 5.**

(Preraspodjela sredstava)

Vlada Federacije BiH, na prijedlog Federalnog ministarstva vrši preraspodjelu neutrošenih sredstava u propisanom roku, između modela poticaja proizvodnji, modela ostalih vrsta podrški i modela ruralnog razvoja.

## **Odjeljak A. Posebni kriterij za model poticaja proizvodnji**

### **Član 6.**

(Biljna proizvodnja)

- (1) Proizvodnja ratarskih, povrtlarskih, voćarskih kultura, duhana, grožđa i maslina:
  - a) hljebna žita (pšenica i raž) – klijent ostvaruje pravo na novčanu podršku za proizvodnju na minimalno 1 ha, a maksimalno po kulturi 200 ha hljebnih žita u toku godine i iste prodaja;
  - b) stočna žita (stočni ječam, zob i tritikale) – klijent ostvaruje pravo na novčanu podršku za proizvodnju na minimalno 1 ha, a maksimalno po kulturi 200 ha stočnih žita u toku godine, za vlastite potrebe ili iste prodaja;
  - c) krmno bilje (silažni kukuruz, stočni grašak i grahorice) – klijent ostvaruje pravo na novčanu podršku za proizvodnju na minimalno 2 ha, a maksimalno po kulturi 400 ha krmnog bilja u toku godine, za vlastite potrebe ili iste prodaja;
  - d) uljarice (uljana repica, suncokret i soja) – klijent ostvaruje pravo na novčanu podršku za proizvodnju na minimalno 1 ha, a maksimalno po kulturi 250 ha uljarica u toku godine i iste prodaja;
  - e) povrće (paradajz, paprika, krastavac, patlidžan, mrkva, cvekla, luk (bijeli/crveni), salata i mladi krompir) – klijent ostvaruje pravo na novčanu podršku za proizvodnju na minimalno 0,5 ha, a maksimalno po kulturi 20 ha povrća u toku godine i isto prodaja;
  - f) grožđe i masline – klijent (pravno lice i obrt) ostvaruje pravo na novčanu podršku za proizvodnju na minimalno 0,3 ha, a maksimalno po kulturi 150 ha grožđa ili maslina u toku godine;
  - g) voće (šljiva, jabuka, kruška, breskva, nektarina, trešnja, višnja, smokva, kajsija, lješnjak i malina) – klijent (pravno lice i obrt,) ostvaruje pravo na novčanu podršku za proizvodnju na minimalno 0,5 ha, a maksimalno po kulturi 250 ha voća u toku godine;
  - h) heljda – klijent ostvaruje pravo na novčanu podršku za proizvodnju na minimalno 1 ha, a maksimalno 50 ha heljde u toku godine i istu prodaja;
  - i) ljekovito i aromatično bilje (kamilica, menta, lavanda, ružmarin, smilje i lovor) – klijent ostvaruje pravo na novčanu podršku za proizvodnju na minimalno 1 ha, a maksimalno po kulturi 50 ha ljekovitog i aromatičnog bilja u toku godine i isto prodaja;
  - j) duhan (Virdžinija, Berlejš i Hercegovački ravnjak) – klijent ostvaruje pravo na novčanu podršku za proizvodnju na minimalno 0,5 ha, a maksimalno po kulturi 50 ha duhana u listu u toku godine i isti prodaja.
- (2) Proizvodnja deklarisanog sjemena:
  - a) strnih žita (pšenica, ječam, raž, zob, tritikale) i heljde – klijent ostvaruje pravo na novčanu podršku za maksimalno po kulturi 300 ha zasijanog sjemena strnih žita ili heljde u toku godine i isto prodaja;
  - b) kukuruza, soje i suncokreta – klijent ostvaruje pravo na novčanu podršku za maksimalno po kulturi 100 ha zasijanog sjemena kukuruza, soje ili suncokreta u toku godine i isto prodaja;
  - c) krompira (osnovno sjeme i certificirano sjeme) – klijent ostvaruje pravo na novčanu podršku za maksimalno po kulturi 50 ha proizvedenog sjemena krompira u toku godine i isto prodaja.
- (3) Proizvodnja deklarisanog sadnog materijala:
  - a) krošnjastog voća (jabuka, kruška, šljiva, dunja, mušmula, oskoruša, breskva, kajsija, nektarina, trešnja, višnja, maslina, smokva, lijeska, orah, kesten, nar) – klijent ostvaruje pravo na novčanu podršku za maksimalno po kulturi 220.000 sadnica krošnjastog voća u toku godine i iste prodaja;

- b) jagodičastog voća (kupina, malina, borovnica, brusnica i jagoda (frigo sadnice) - klijent ostvaruje pravo na novčanu podršku za maksimalno po kulturi 220.000 sadnica jagodičastog voća, a za jagodu maksimalno 500.000 frigo sadnica u toku godine i iste prodaja;
  - c) vinove loze – klijent ostvaruje pravo na novčanu podršku za maksimalno 220.000 sadnica vinove loze u toku godine i iste prodaja.
- (3) Nerealizovani zahtjevi iz prethodnog perioda:
- a) Za klijente koji imaju nerealizovan zahtjev iz Programa podrški za biljnu proizvodnju iz ranijih godina, novčana podrška će se realizovati u 2021. godini u skladu sa rezultatima dodatne kontrole i nadzora.

## **Član 7.**

(Animalna proizvodnja)

- (1) Govedarska proizvodnja:
- a) Proizvodnja svježeg kravljeg mlijeka – klijent ostvaruje pravo na novčanu podršku ako posjeduje minimalno tri mliječne krave i proizvede minimalno 500, a maksimalno 550.000 litara mlijeka mjesečno i isto prodaja;
  - b) Proizvodnja goveđeg mesa - tov junadi od teladi iz domaćeg uzgoja – klijent ostvaruje pravo na novčanu podršku za minimalno 3, a maksimalno 900 utovljenih grla u toku godine i iste prodaja;
  - c) Proizvodnja goveđeg mesa – tov junadi od teladi iz uvoza – klijent ostvaruje pravo na novčanu podršku za minimalno 10, a maksimalno 600 utovljenih grla u toku godine i iste prodaja;
  - d) Uzgoj krava prvotelki (rasplodne junice) – klijent ostvaruje pravo na novčanu podršku (pravno lice ili obrt) za uzgoj minimalno 2, a maksimalno 200 junica iz vlastitog stada u toku godine, s tim da služe za proširenje vlastitog stada ili za prodaju;
  - e) Uzgoj goveda u sistemu krava-tele – klijent ostvaruje pravo na novčanu podršku za minimalno 15, a maksimalno 1.000 krava u sistemu krava-tele, u toku godine.
- (2) Ovčarska i kozarska proizvodnja:
- a) Proizvodnja svježeg ovčjeg i kozjeg mlijeka – klijent ostvaruje pravo na novčanu podršku za minimalno 300 litara mjesečno, a maksimalno 300.000 litara ovčjeg ili kozjeg mlijeka u toku godine i isto prodaja.
  - b) Uzgoj rasplodne stoke (ovce i koze) – klijent ostvaruje pravo na novčanu podršku za minimalno 50 odraslih ovaca, odnosno minimalno 25 odraslih koza starijih od godinu dana, a maksimalno 1.300 odraslih grla ovaca ili koza, u toku godine.
- (3) Svinjogojska proizvodnja:
- a) Proizvodnja svinjskog mesa – tov svinja iz domaćeg uzgoja ili uvoza – klijent ostvaruje pravo na novčanu podršku ako u toku godine utovi minimalno 25 svinja od prasadi iz domaćeg uzgoja, odnosno minimalno 75 svinja od prasadi iz uvoza, a maksimalno 7.200 svinja u toku godine i iste prodaja;
  - b) Uzgoj rasplodne stoke – krmača – klijent ostvaruje pravo na novčanu podršku za minimalno 5, a maksimalno za 150 rasplodnih krmača u toku godine.
- (4) Peradarska proizvodnja:

- a) Uzgoj 18-sedmičnih pilenki – klijent ostvaruje pravo na novčanu podršku za minimalno 5.000, a maksimalno za 220.000 uzgojenih pilenki u toku godine od pilića iz domaćeg uzgoja do prelaska u fazu reprodukcije i iste proda ili ih ostavi za dalji uzgoj;
  - b) Uzgoj pilenki teške roditeljske linije – klijent ostvaruje pravo na novčanu podršku za minimalno 5.000, a maksimalno za 70.000 pilenki u toku godine do prelaska u fazu reprodukcije i iste proda ili ih ostavi za dalji uzgoj;
  - c) Uzgoj pilenki lake roditeljske linije – klijent ostvaruje pravo na novčanu podršku za minimalno 5.000, a maksimalno za 50.000 pilenki u toku godine do prelaska u fazu reprodukcije i iste proda ili ih ostavi za dalji uzgoj.
- (5) Pčelarska proizvodnja:
- a) Košnice pčela - uzgoj pčelinjih zajednica – klijent ostvaruje pravo na novčanu podršku za minimalno 20, a maksimalno 500 pčelinjih zajednica.
- (6) Ribarska proizvodnja:
- a) Proizvodnja/uzgoj slatkovodne ribe – klijent ostvaruje pravo na novčanu podršku za minimalno 3.000 kg, a maksimalno za 600.000 kg ribe u toku godine i istu proda;
  - b) Proizvodnja/uzgoj morske ribe – klijent ostvaruje pravo na novčanu podršku za minimalno 3.000 kg, a maksimalno za 150.000 kg ribe u toku godine i istu proda.
- (7) Izvorne zaštićene pasmine životinja:
- a) Uzgoj izvornih zaštićenih pasmina životinja (bosanski brdski konj, domaća buša, domaći magarac i pas tornjak) u čistoj krvi ili u tipu – klijent ostvaruje pravo na novčanu podršku za maksimalno 100 životinja izvornih zaštićenih pasmina u toku godine, a za psa tornjaka maksimalno 10 životinja u toku godine.
- (8) Nerealizovani zahtjevi iz prethodnog perioda:
- a) Za klijente koji imaju nerealizovan zahtjev iz Programa podrški za animalnu proizvodnju iz ranijih godina, novčana podrška će se realizovati u 2021. godini u skladu sa rezultatima dodatne kontrole i nadzora.

## **Član 8.**

(Zajedničke odredbe za model poticaja proizvodnji)

- (1) Klijent koji je započeo proizvodnju u 2020. godini (prije ili poslije 01.10.2020. godine), a završio je prije objave ovog Programa podrški, kompletnu dokumentaciju dostavlja nadležnom kantonalnom ministarstvu najkasnije u roku od 30 dana od dana stupanja na snagu ovog Programa podrški (samo za one proizvodnje koje su planirane u Programu podrški za 2021. godinu). Nadležno kantonalno ministarstvo vrši obradu zahtjeva na osnovu visine sredstava propisanih ovim Programom podrški, nakon čega ih dostavlja Federalnom ministarstvu na dalju realizaciju najkasnije u roku od 45 dana od dana stupanja na snagu ovog Programa podrški, a klijent koji završi proizvodnju nakon objave Programa podrški, kompletnu dokumentaciju dostavlja nadležnom kantonalnom ministarstvu najkasnije do 01.10. tekuće godine;
- (2) Ako je registrovan kao fizičko lice, godišnje može ostvariti maksimalnu novčanu podršku do 6.000,00 KM po Modelu poticaja proizvodnji.
- (3) Ako je klijent imao zasnovanu proizvodnju na području općine ili grada na kojem je proglašeno stanje elementarne nepogode, može ostvariti pravo na novčanu podršku;

## **Odjeljak B. Model podrške dohotku**

### **Član 9.**

(Cilj podrške dohotku)

Model podrške dohotku uvodi se radi zbrinjavanja malih nekomercijalnih porodičnih poljoprivrednih gazdinstava i osiguranja primjerenijeg životnog standarda članovima ove vrste gazdinstva.

### **Član 10.**

(Sredstva podrške dohotku)

Zbog nedostatka novačinih sredstava nije moguće provesti mjere iz ovog modela.

## **Odjeljak C. Model kapitalnih ulaganja**

### **Član 11.**

(Cilj podrške kapitalnim ulaganjima)

Podrška u okviru modela kapitalnih ulaganja je dodjela nepovratnih sredstava komercijalnim poljoprivrednim gazdinstvima radi unapređenja uslova proizvodnje, produktivnosti i konkurentnosti poljoprivrednog gazdinstva, imajući u vidu pri tome ravnomjeran razvoj poljoprivrede na cijelome teritoriju Federacije BiH.

### **Član 12.**

(Sredstva podrške kapitalnim ulaganjima)

Zbog nedostatka novčanih sredstava nije moguće provesti mjere iz ovog modela.

## **Odjeljak D: Model ruralnog razvoja**

### **Pododjeljak D/1: Ciljevi i vrste mjera ruralnog razvoja**

#### **Član 13.**

(Osnovni i specifični ciljevi mjera ruralnog razvoja)

- (1) Osnovni cilj mjera ruralnog razvoja je podizanje konkurentnosti PG i prehrambene industrije kroz povećavanje kvalitete i kvantitete poljoprivrednih i prehrambenih proizvoda, uz što veći stupanj ispunjavanja zahtjeva tržišta, stvaranje povoljnijeg ambijenta za razvoj poljoprivredne proizvodnje, dodatno zapošljavanje na ruralnom prostoru, poboljšanje kvaliteta života ruralnog stanovništva i očuvanje okoliša.
- (2) Specifični cilj mjera ruralnog razvoja je poboljšanje sveukupnog poslovanja kroz poboljšanje infrastrukture i opreme na PG i subjektima koji se bave preradom i doradom poljoprivrednih proizvoda, a što će rezultirati uvođenjem novih



proizvodnih tehnologija i metoda proizvodnje, olakšanja poslovanja, povećanja prihoda, podizanja standarda kvaliteta i boljom zaštitom okoliša. Pored toga dodatni je cilj pružanje podrške izgradnji ruralne infrastrukture u funkciji poljoprivredne proizvodnje te provođenje diverzifikacije ekonomskih aktivnosti na PG radi stvaranja dodatnih izvora prihoda.

#### **Član 14.**

(Mjere podrške u okviru modela ruralnog razvoja)

- (1) Podrške u okviru modela ruralnog razvoja obuhvaćaju:
  - a) Mjere za povećanje konkurentnosti,
  - b) Mjere za zaštitu ruralnog okoliša.
- (2) Mjere za povećanje konkurentnosti sastoje se od:
  - a) Podrške investicijama u sektoru poljoprivrede i prehrambene industrije preko Federalnog ministarstva,
  - b) Podrške investicijama u sektoru poljoprivrede i prehrambene industrije u saradnji s Razvojnou bankom Federacije Bosne i Hercegovine (u daljem tekstu: Razvojna banka),
  - c) Nerealizovanih zahtjeva klijenata iz modela ruralnog razvoja za 2012. godinu.
- (3) Mjera za zaštitu ruralnog okoliša sastoji se od:
  - a) Podrške certifikaciji organske proizvodnje.
- (4) Za podršku su prihvatljivi troškovi aktivnosti za mjere iz st. (2), i (3) ovog člana koji su isplaćeni u periodu od 01.10. prethodne do 01.10. tekuće godine.
- (5) Odredba iz stava (4) ovog člana ne primjenjuje se na mjeru iz stava (2) tačka c) ovog člana koja se realizuje u skladu sa Programom novčanih podrški i važećem Pravilniku za ruralni razvoj za 2012. godinu.

### **Pododjeljak D/2: Mjere za povećanje konkurentnosti**

#### **Član 15.**

(Podrška investicijama u sektoru poljoprivrede i prehrambene industrije preko Federalnog ministarstva)

Podrška investicijama u sektoru poljoprivrede i prehrambene industrije preko Federalnog ministarstva obuhvaća slijedeće mjere:

- a) Podrška investicijama u poljoprivredne mašine i priključne uređaje za biljnu i stočarsku proizvodnju – pravo na podršku imaju klijenti koji su izvršili kupovinu poljoprivrednih mašina i priključnih uređaja,
- b) Podrška investicijama u opremu za biljnu ili stočarsku proizvodnju – pravo na podršku imaju klijenti koji su izvršili kupovinu opreme za biljnu ili stočarsku proizvodnju, uključujući plastenike i staklenike površine od 500 m<sup>2</sup>,
- c) Sufinansiranje nabavke visoko kvalitetne rasplodne stoke – pravo na podršku imaju klijenti koji su izvršili kupovinu visoko kvalitetnih rasplodnih grla stoke od pravnih lica ili iz uvoza,
- d) Podrška investicijama u izgradnju ili proširenje, odnosno opremanje građevinskih objekata u svrhu obavljanja poljoprivredne proizvodnje ili njihove prerade – pravo na podršku imaju klijenti koji su izvršili izgradnju ili proširenje građevinskih objekata u funkciji poljoprivredne proizvodnje ili prerade

poljoprivrednih proizvoda za koje posjeduju građevinsku dozvolu, odnosno njihovo opremanje.

- e) Podrška za ulaganje u legalizaciju građevinskih objekata i ispunjavanje okolišnih standarda – pravo na podršku imaju klijenti koji izvršili legalizaciju postojećih štalskih i drugih objekata u funkciji poljoprivredne proizvodnje i pribavili su građevinsku dozvolu. U sklopu mjere bila bi podržana i dogradnja postojećih ili izgradnja pomoćnih objekata za zbrinjavanje biološkog otpada i uklanjanje zagađenja koje nastaje kao posljedica proizvodnog procesa, u skladu sa građevinskom dozvolom. Ova mjera obuhvata i troškove izgradnje postrojenja za pretvaranje biološkog otpada u obnovljive izvore energije, i proizvodnju energije iz drugih obnovljivih izvora za potrebe PG, odnosno prerađivačkog pogona.
- f) Podrška investicijama u podizanje višegodišnjih nasada – pravo na podršku imaju klijenti koji su izvršili investiranje u podizanje višegodišnjih nasada.

### **Član 16.**

(Podrška investicijama u sektoru poljoprivrede i prehrambene industrije u saradnji sa Razvojnou bankom)

- (1) Podrška investicijama u sektoru poljoprivrede i prehrambene industrije koja se realizuje u saradnji sa Razvojnou bankom zasniva se na kreditnoj liniji za finansiranje do 50% vrijednosti investicijskih projekata iz člana 11. ovog Programa, grant sredstvima Federalnog ministarstva, deponovanim kod Razvojne banke u vrijednosti do 25% prihvatljivih troškova investicije i vlastitim sredstvima klijenta za preostali dio vrijednosti investicije i troškova PDV-a, ukoliko je klijent obveznik PDV-a.
- (2) Kreditna linija ima sljedeće karakteristike:
  - a) finansira isključivo nabavku stalnih sredstava,
  - b) nominalna kamatna stopa je 3% fiksna na godišnjem nivou,
  - c) rok otplate je do 15 godina,
  - d) grace period je do 36 mjeseci, ovisno o vrsti djelatnosti,
  - e) minimalni iznos kredita je 25.000 KM,
  - f) maksimalni iznos kredita za projekte fizičkih lica je 300.000 KM, a pravnih lica i obrta je 1.400.000 KM.
- (3) Federalno ministarstvo i Razvojna banka realizuju sredstva podrške na osnovu Protokola o saradnji i Ugovora o namjenskom depozitu.
- (4) Pravo na podršku imaju klijenti koji su upisani u RPG, odnosno RK, i odobren im je kreditni zahtjev u okviru Kreditne linije Razvojne banke.
- (5) Period za provođenje investicijskog projekta određuje se Ugovorom o korištenju sredstava novčane podrške između klijenta i Federalnog ministarstva poljoprivrede.
- (6) Razvojna banka odobrava kreditne zahtjeve do utroška cjelokupnog deponovanog iznosa.

## **Član 17.**

(Nerealizovani zahtjevi klijenata iz modela ruralnog razvoja za 2012. godinu)

- (1) Nerealizovani i osnovani zahtjevi klijenata iz prethodnog perioda po modelu ruralnog razvoja iz 2012. godine su zahtjevi koji su zaprimljeni na osnovu Programa utroška sredstava sa kriterijima raspodjele sredstava "Podsticaj za poljoprivredu" utvrđenih Budžetom Federacije Bosne i Hercegovine za 2012. godinu Federalnom ministarstvu poljoprivrede, vodoprivrede i šumarstva pod nazivom "Od našeg polja do našeg stola" ("Službene novine Federacije BiH", br. 44/12 i 5/13), (u daljem tekstu: Program podrški iz 2012. godine), Pravilnika o uslovima i načinu ostvarenja novčanih podrški po Modelu ruralnog razvoja ("Službene novine Federacije BiH", broj 56/12) od 29.06.2012. godine, (u daljem tekstu: Pravilnik iz 2012. godine) i Javnog poziva br. 01-49-1447/12 od 04.07.2012. godine (u daljem tekstu: Javni poziv iz 2012. godine), za koje su izvršene dodatne provjere i kontrole od strane Federalne uprave za inspekcijske poslove i nadležne komisije Federalnog ministarstva, te koji su obrađeni u skladu sa preporukama Ureda za reviziju institucija u Federaciji Bosne i Hercegovine iz Izvještaja o finansijskoj reviziji Federalnog ministarstva poljoprivrede, vodoprivrede i šumarstva, zaključcima Vlade Federacije BiH V. broj 938/2017 od 07.07.2017. godine (u daljem tekstu: zaključak Vlade FBiH iz 2017. godine) i V. broj 1086/2018 od 06.09.2018. godine (u daljem tekstu: zaključak Vlade FBiH iz 2018. godine).
- (2) Podršku ostvaruju klijenti koji su podnijeli zahtjeve za ostvarenje novčane podrške po modelu ruralnog razvoja i za koje je izvršena procedura u skladu sa dokumentima iz stava (1) ovog člana. Nakon što su potpuno i pravilno utvrđene sve relevantne činjenice za svaki predmet pojedinačno, donose se rješenja o odobravanju i isplati sredstava za sve osnovane zahtjeve, odnosno rješenje o odbijanju zahtjeva za sve neosnovane zahtjeve.

### **Pododjeljak D/3: Mjere za zaštitu ruralnog okoliša**

#### **Član 18.**

(Podrška certifikaciji organske proizvodnje)

Podrška za certifikaciju organske proizvodnje odnosi se na proizvođače, prerađivače ili sakupljače upisane u Registar klijenata koji posjeduju važeći certifikat prema zahtjevima standarda "ISO/IEC 17065:2014.

### **Pododjeljak D/4: Zajedničke odredbe za model ruralnog razvoja**

#### **Član 19.**

(Minimalna i maksimalna prihvatljiva vrijednost investicije)

- (1) Minimalna prihvatljiva vrijednost investicije koja je predmet novčane podrške u okviru ovog Programa podrške je 2.000 KM za fizička lica i obrte, a 4.000 KM za pravna lica. Prihvatljive su sve investicije u okviru sektora, nezavisno o njihovoj ukupnoj vrijednosti.

- (2) Maksimalna prihvatljiva vrijednost pojedine investicije zavisi o učešću prihvatljivih troškova u finansijskoj strukturi investicije, i ograničena je maksimalnim iznosom novčane podrške u okviru modela ruralnog razvoja predviđenim ovim Programom.

#### **Član 20.**

(Osnovni iznos novčane podrške)

- (1) Osnovni iznos novčane podrške je umnožak postotka podrške sa iznosom prihvatljivih troškova. Osnovni iznos novčane podrške za svaki pojedinačni zahtjev za sufinansiranje projekta utvrđuje se na osnovu računa (faktura), odnosno dokaza o izvršenom plaćanju.
- (2) Osnovni iznos novčane podrške za projekte iz čl. 15. i 16. ovog Programa iznosi do 25% vrijednosti prihvatljivih troškova.
- (3) Osnovni iznos novčane podrške za projekte iz člana 17. ovog Programa obračunava se u skladu sa Programom novčanih podrška iz 2012. godine.

#### **Član 21.**

(Dodatni iznos novčane podrške)

- (1) Na utvrđeni osnovni iznos novčane podrške zaračunava se dodatni iznos novčane podrške od 5% za nosioca PPG i obrta mlađeg od 40 godina na dan podnošenja zahtjeva, i žene nositeljice PG, odnosno obrta.
- (2) Dodatni iznos novčane podrške iz stava (1) ovog člana obračunava se samo za projekte iz čl. 15. ovog Programa.

#### **Član 22.**

(Maksimalni iznosi novčane podrške u okviru modela ruralnog razvoja)

- (1) Klijent može ostvariti pravo na maksimalni iznos novčane podrške za mjere iz čl. 15. i 16. ovog Programa do 150.000 KM za fizička lica, odnosno do 700.000 KM za pravna lica i obrte.
- (2) Klijent može ostvariti pravo na maksimalni iznos novčane podrške za mjeru iz čl. 18. ovog Programa do 100.000 KM.
- (3) U maksimalni iznos novčane podrške ubrajaju se sredstva osnovnog i dodatnog iznosa novčane podrške, odnosno svi projekti jednog klijenta u okviru modela ruralnog razvoja finansirani iz ovog Programa.

#### **Član 23.**

(Način realizacije mjera ruralnog razvoja)

- (1) Realizacija mjera novčanih podrška iz modela ruralnog razvoja vršit će se u skladu sa Programom podrški.
- (2) Pored odredbi ovog Programa, posebni uslovi koje moraju ispunjavati klijenti, prihvatljivi i neprihvatljivi troškovi, način ostvarivanja prava na novčane podrške,

kao i druga pitanja, propisuju se Pravilnikom o uslovima i načinu ostvarivanja novčane podrške po modelu ruralnog razvoja, kojeg donosi federalni ministar.

## **Odjeljak E: Model ostalih vrsta podrški**

### **Pododjeljak E/1: Ciljevi i mjere ostalih vrsta podrški**

#### **Član 24.**

(Osnovni i specifični ciljevi mjera ostalih vrsta podrški)

- (1) Osnovni cilj mjera ostalih vrsta podrški je podizanje konkurentnosti PG i prehrambene industrije kroz osiguranje prihoda, bolje povezivanje sa tržištem, podršku organizovanju unutar sektora i okrupnjavanju zemljišnih parcela.
- (2) Specifični ciljevi ove mjere su pružanje podrške osiguranju poljoprivrednih proizvoda od mogućih šteta, podrška povezivanju s tržištem i promocija poljoprivrednih i prehrambenih proizvoda, podrška organizacijama poljoprivrednika i poljoprivrednim zadrugama u provođenju njihovih aktivnosti, podizanje kvaliteta proizvoda i strukturno jačanje PG kroz podršku provođenja komasacije.

#### **Član 25.**

(Mjere podrške u okviru modela ostalih vrsta podrški)

- (1) Podrške u okviru modela ostalih vrsta podrški obuhvaćaju sljedeće mjere:
  - a) Sufinansiranje troška premije osiguranja od mogućih šteta u poljoprivrednoj proizvodnji,
  - b) Sufinansiranje stručnih skupova, kongresa, simpozija, seminara i sajmova,
    - 1) Sufinansiranje organizovanja;
    - 2) Sufinansiranje izlaganja;
  - c) Sufinansiranje realizacije projekata od značaja za Federaciju BiH:
    - 1) Sufinansiranje troškova po osnovu penzijskog i zdravstvenog osiguranja za registraciju poljoprivrednih obrta;
    - 2) Sufinansiranje izrade Strategije razvoja poljoprivrede i ruralnog razvoja Federacije Bosne i Hercegovine;
    - 3) Sufinansiranje izrade Operativnog programa razvoja zadrugarstva u Federaciji Bosne i Hercegovine;
  - d) Sufinansiranje organizovanja poljoprivrednika (zadruge, udruženja, savezi, komore i sl.),
    - 1) Sufinansiranje nabavke kancelarijske opreme, namještaja i troškova zadružne revizije;
    - 2) Sufinansiranje aktivnosti poljoprivrednih zadruga i privrednih društava za povezivanje ponude malih poljoprivrednih proizvođača;
  - e) Sufinansiranje troškova standardizacije proizvoda odnosno proizvodnje,
    - 1) Sufinansiranje troškova uvođenja i certifikacije standarda u poljoprivredi i prehrambenoj industriji;
  - f) Podrška različitim programima pokretanja proizvodnje i slične mjere koje nisu obuhvaćene ostalim modelima, te mjere zemljišne politike,
    - 1) Podrška različitim programima pokretanja proizvodnje i mjere zemljišne politike;

- (2) Za podršku su prihvatljivi:
- a) isplaćeni troškovi, odnosno provedene aktivnosti iz stava (1), tač. a), b), d), e) i f) i tačke c) ovog člana, ako su izvršeni u periodu od 01. 10. prethodne do 01. 10. tekuće godine,
  - b) aktivnosti iz stava (1) tačka c) podtačka 1), 2) i 3) ovog člana ako su provedene u periodu od usvajanja ovog Programa do 31. 12. tekuće godine.

#### **Član 26.**

(Sufinansiranje troška premije osiguranja od mogućih šteta u poljoprivrednoj proizvodnji)

Podrška za sufinansiranje troška premije osiguranja od mogućih šteta u poljoprivrednoj proizvodnji dodjeljuje se poljoprivrednim gazdinstvima koja su zaključila i isplatila policu osiguranja od mogućih šteta u poljoprivrednoj proizvodnji.

#### **Član 27.**

(Sufinansiranje stručnih skupova , kongresa, simpozija, seminara i sajмова)

- (1) Podrška za sufinansiranje troškova organizovanja stručnih skupova, kongresa, simpozija, seminara, i sajмова iz oblasti poljoprivredno-prehrambenog sektora, dodjeljuje se:
- a) Naučnim, odnosno obrazovnim ustanovama koje su organizovale održavanje stručnog skupa, kongresa, simpozija, seminara ili sajma;
  - b) poljoprivrednim savezima, udruženjima poljoprivrednika, poljoprivrednim zadrugama, privrednim komorama i drugim pravnim licima koja su organizovala održavanje stručnog skupa, kongresa, simpozija, seminara ili sajma;
- (2) Podrška za sufinansiranje troškova izlaganja na poljoprivrednim sajmovima dodjeljuje se PG ili preduzećima iz sektora prehrambene industrije koji su izlagali na sajmu iz oblasti poljoprivrede i prehrambene industrije.

#### **Član 28.**

(Sufinansiranje realizacije projekata od značaja za Federaciju BiH)

- (1) Sufinansiranje troškova po osnovu penzijskog i zdravstvenog osiguranja za registraciju poljoprivrednih obrta.
- (2) Podrška sufinansiranju izrade Strategije razvoja poljoprivrede i ruralnog razvoja Federacije BiH za period 2021.-2027. godina (u daljem tekstu: Strategija poljoprivrede) dodjeljuje se naučnoj, odnosno obrazovnoj ustanovi ili drugom pravnom licu koje je dobilo najveći broj bodova temeljem Javnog poziva za izradu Strategije poljoprivrede.
- (3) Podrška sufinansiranju izrade Operativnog programa razvoja zadrugarstva u Federaciji BiH za period 2021.-2027. godina (u daljem tekstu: Operativni Program razvoja zadrugarstva) dodjeljuje se naučnoj, odnosno obrazovnoj ustanovi ili drugom pravnom licu koje je dobilo najveći broj bodova temeljem Javnog poziva za izradu Programa razvoja zadrugarstva.

### **Član 29.**

(Sufinansiranje organizovanja poljoprivrednika)

- (1) Podrška za sufinansiranje troškova nabavke kancelarijske opreme i namještaja dodjeljuje se poljoprivrednim zadrugama, organizacijama poljoprivrednika, poljoprivrednim savezima i udruženjima poljoprivrednika koji su izvršili nabavku uredske opreme i namještaja, odnosno obavili zadružnu reviziju.
- (2) Podrška za sufinansiranje aktivnosti privrednih društava i poljoprivrednih zadruga u otkupu ili vlastitoj proizvodnji poljoprivrednih proizvoda, s ciljem njihove prerade ili izvoza.

### **Član 30.**

(Sufinansiranje troškova standardizacije proizvoda odnosno proizvodnje)

Podrška za sufinansiranje troškova uvođenja i certifikacije standarda u poljoprivredi i prehrambenoj industriji dodjeljuje se klijentima koji su uveli zadnje važeće izdanje standarda: Global G.A.P., ISO 14001, ISO 22000, HACCP, IFS, GSFS, SQF, HALAL i KOŠER standard, odnosno EU standard za zaštićenu oznaku izvornosti (PDO), zaštićenu oznaku zemljopisnog porijekla (PGI) i garantovano tradicionalni specijalitet (TSG)

### **Član 31.**

(Podrška različitim programima pokretanja proizvodnje i slične mjere koje nisu obuhvaćene ostalim modelima, te mjere zemljišne politike)

Podrška različitim programima pokretanja proizvodnje i slične mjere koje nisu obuhvaćene ostalim modelima, te mjere zemljišne politike odnosi se na podršku različitim programima pokretanja proizvodnje i mjere zemljišne politike.

## **Pododjeljak E/2: Zajedničke odredbe za model ostalih vrsta podrški**

### **Član 32.**

(Minimalna prihvatljiva vrijednost aktivnosti)

- (1) Minimalna prihvatljiva vrijednost aktivnosti koja je predmet novčane podrške u okviru modela ostalih vrsta podrški je 200 KM za fizička lica i obrte, a 500 KM za pravna lica.

### **Član 33.**

(Maksimalni iznosi novčane podrške u modelu ostalih vrsta podrška po mjerama)

- (1) Iznos novčane podrške je umnožak postotka podrške sa iznosom prihvatljivih troškova.

- (2) Iznos novčane podrške za svaki pojedinačni zahtjev utvrđuje se na osnovu računa (faktura), odnosno dokaza o izvršenom plaćanju

#### **Član 34.**

(Način realizacije mjera ostalih vrsta podrška)

- (1) Realizacija mjera novčanih podrški iz modela ostalih vrsta podrški vršit će se u skladu sa Programom.
- (2) Pored odredbi ovog Programa, posebni uslovi koje moraju ispunjavati klijenti, prihvatljivi i neprihvatljivi troškovi, način ostvarivanja prava na novčane podrške, kao i druga pitanja, propisuju se Pravilnikom o uslovima i načinu ostvarivanja novčane podrške po modelu ostalih vrsta podrški, kojeg donosi federalni ministar.

### **Odjeljak F: Sudske presude i rješenja po žalbama**

#### **Član 35.**

(Isplata sudskih presuda i rješenja po žalbama)

Novčane podrške – ostvareno pravo u ponovljenim postupcima provedenim po pravosnažnim sudskim presudama u oblasti novčanih podrški iz prethodnih godina i pravosnažnim rješenjima donesenim u drugostepenom postupku po žalbama.

### **POGLAVLJE III – VISINA I RASPODJELA SREDSTAVA**

#### **Član 36.**

(Visina i raspodjela)

Sredstva odobrena Budžetom Federacije BiH za 2021. godinu, na stavci „Subvencije privatnim preduzećima i preduzetnicima – Poticaj za poljoprivredu“, raspodijelit će se na sljedeći način:

#### **A/ Model poticaja proizvodnji**

Tabela 1. Raspodjela sredstava za mjere iz člana 6.

<b>A/1-1</b>	<b>br.</b>	<b>Proizvodnja ratarskih, povrtlarskih, voćarskih kultura, grožđa i maslina</b>	<b>KM po jedinici mjere za pravna lica i obrte</b>	<b>KM po jedinici mjere za fizička lica</b>	<b>Iznos u KM</b>
	1.	hljebna žita	590/ha	590/ha	3.100.000,00
	2.	stočna žita	330/ha	260/ha	750.000,00
	3.	krmno bilje	280/ha	220/ha	2.100.000,00



	4.	Uljarice	450/ha	450/ha	1.590.000,00
	5.	heljda	380/ha	300/ha	60.000,00
	6.	ljekovito i aromatično bilje	560/ha	450/ha	250.000,00
	7.	povrće	2000/ha	1600/ha	900.000,00
	8.	grožđe i masline	1000/ha	-	1.000.000,00
	9.	voće	1000/ha	-	650.000,00
	10.	duhan	1400/ha	1100/ha	50.000,00
<b>A/1-2</b>		<b>Proizvodnja deklarisanog sjemena</b>			
	11.	strnih žita	940/ha	-	1.100.000,00
	12.	kukuruzna, soje i suncokreta	1000/ha	-	300.000,00
	13.	krompira (osnovno sjeme)	2000/ha	-	30.000,00
	14.	krompira (certificirano sjeme)	1700/ha	-	20.000,00
<b>A/1-3</b>		<b>Proizvodnja deklarisanog sadnog materijala</b>			
	15.	krošnjastog voća	0,45/kom	-	150.000,00
	16.	jagodičastog voća (borovnica i brusnica)	0,30/kom	-	150.000,00
	16a	malina i kupina	0,30/kom	-	100.000,00
	16b	jagoda (frigo sadnica)	0,05/kom	-	50.000,00
	17.	vinove loze	0,45/kom	-	100.000,00
<b>A/1-4</b>		Nerealizovani zahtjevi iz prethodnog perioda			
	18.	Za klijente koji imaju nerealizovan zahtjev iz Programa podrški za biljnu proizvodnju iz ranijih godina, novčana podrška će se realizovati u 2021. godini u skladu sa rezultatima dodatne kontrole i nadzora.			50.000,00
		<b>SVEGA A/1</b>			<b>12.500.000,00</b>

Tabela 2. Raspodjela sredstava za mjere iz člana 7.

<b>A/2-1</b>	<b>Br.</b>	<b>Govedarska proizvodnja</b>	<b>KM po jedinici mjere za pravna lica i obrte</b>	<b>KM po jedinici mjere za fizička lica</b>	<b>Iznos u KM</b>
	1.	svježe kravlje mlijeko	0,29/l	0,26/l	36.500.000,00
	2.	goveđe meso – tov junadi od teladi iz domaćeg uzgoja	420/grlu	330/grlu	3.500.000,00
	2a.	goveđe meso – tov junadi od teladi iz uvoza	240/grlu	190/grlu	200.000,00
	3.	rasplodna stoka- rasplodne junice	420/grlu	-	1.900.000,00
	4.	goveda u sistemu krava – tele	420/grlu	330/grlu	2.950.000,00
<b>A/2-2</b>		<b>Ovčarska i kozarska proizvodnja</b>			
	5.	svježe ovčje mlijeko	0,40/l	0,35/l	200.000,00
	6.	svježe kozje mlijeko	0,40/l	0,35/l	350.000,00
	7.	rasplodna stoka - ovce	40/grlu	25/grlu	3.700.000,00
	8.	rasplodna stoka - koze	40/grlu	25/grlu	200.000,00
<b>A/2-3</b>		<b>Svinjogojska proizvodnja</b>			
	9.	svinjsko meso – tov svinja	60/grlu	44/grlu	1.900.000,00
	10.	rasplodna stoka - krmače	160/grlu	120/grlu	70.000,00
<b>A/2-4</b>		<b>Peradarska proizvodnja</b>			
	11.	18 - sedmične pilenke	0,30/kljun	-	50.000,00
	12.	matična jata – pilenke teških roditeljskih linija	1,20/kljun	-	300.000,00
	13.	matična jata – pilenke lakih roditeljskih linija	1,20/kljun	-	20.000,00
<b>A/2-5</b>		<b>Pčelarska proizvodnja</b>			
	14.	košnica pčela, uzgoj pčelinjih zajednica	15/koš	6/koš	750.000,00

<b>A/2-6</b>		<b>Ribarska proizvodnja</b>			
	15.	slatkovodna riba	1,20/kg	-	2.200.000,00
	16.	morska riba	1,20/kg	-	250.000,00
<b>A/2-7</b>		<b>Izvorne zaštićene pasmine životinja</b>			
	17.	bosanski brdski konj, domaća buša i domaći magarac u čistoj krvi	400/grlu	350/grlu	160.000,00
	17.a	bosanski brdski konj, domaća buša i domaći magarac u tipu	250/grlu	200/grlu	
	18.	pas tornjak	40/grlu	35/grlu	
<b>A/2-8</b>		<b>Nerealizovani zahtjevi iz prethodnog perioda</b>			
	19.	Za klijente koji imaju nerealizovan zahtjev iz Programa podrške za biljnu proizvodnju iz ranijih godina, novčana podrška će se realizovati u 2021.godini u skladu sa rezultatima dodatne kontrole i nadzora.			1.300.000,00
		<b>SVEGA A/2</b>			<b>56.500.000,00.</b>

a) Za model podrške dohotku

1) Tablica 3. Raspodjela sredstava po modelu podrške dohotku

<b>B/</b>	<b>MODEL PODRŠKE DOHOTKU</b>		<b>Iznos u KM</b>
	<b>Broj</b>	<b>Naziv mjere</b>	
	1.	Zbog nedostatka novačnih sredstava nije moguće provesti mjere iz ovog modela.	0,00
		<b>SVEGA: B</b>	<b>0,00</b>

b) Za model kapitalnih ulaganja

1) Tablica 4. Raspodjela sredstava po modelu kapitalnih ulaganja

<b>C/</b>	<b>MODEL KAPITALNIH ULAGANJA</b>		<b>Iznos u KM</b>
	<b>Broj</b>	<b>Naziv mjere</b>	
	1.	Mjere iz modela kapitalnih ulaganja sadržane su u mjerama iz modela ruralnog razvoja.	0,00
		<b>SVEGA: C</b>	<b>0,00</b>

c) Za model ruralnog razvoja

1) Tablica 5. Raspodjela sredstava za mjere iz člana 14. ovog Programa

<b>D/</b>	<b>MODEL RURALNOG RAZVOJA</b>		<b>Iznos u KM</b>
	<b>Broj</b>	<b>Naziv mjere</b>	
	1.	<b>MJERE ZA POVEĆANJE KONKURENTNOSTI</b>	

<b>D/1-1</b>		<b>Podrška investicijama u sektoru poljoprivrede i prehrambene industrije preko Federalnog ministarstva</b>	
	a)	Podrška investicijama u poljoprivredne mašine i priključne uređaje za biljnu i stočarsku proizvodnju	10.000.000,00
	b)	Podrška investicijama u opremu za biljnu i stočarsku proizvodnju	
	c)	Sufinansiranje nabavke visoko kvalitetne rasplodne stoke	
	d)	Podrška investicijama u izgradnju ili proširenje, odnosno opremanje novih građevinskih objekata u svrhu obavljanja poljoprivredne proizvodnje ili njihove prerade	
	e)	Podrška za ulaganja u legalizaciju građevinskih objekata i ispunjavanje okolišnih standarda	
	f)	Podrška investicijama u podizanje višegodišnjih nasada	
<b>D/1-2</b>		<b>Podrška investicijama u sektoru poljoprivrede i prehrambene industrije u saradnji s Razvojnou bankom</b>	
	a)	Podrška investicijama u okviru projekata iz člana 11. ovog Programa realiziranih putem kreditne linije za financiranje poljoprivredne proizvodnje i grant sredstava Federalnog ministarstva poljoprivrede, vodoprivrede i šumarstva preko Razvojne banke Federacije BiH	2.000.000,00
<b>D/1-3</b>		<b>Nerealizovani zahtjevi klijenata iz modela ruralnog razvoja za 2012. godinu</b>	
	a)	Nerealizovani a utemeljeni zahtjevi klijenata iz prethodnog perioda po modelu ruralnog razvoja iz 2012. godine	2.200.000,00
	<b>2</b>	<b>MJERE ZA ZAŠTITU RURALNOG OKOLIŠA</b>	
<b>D/2-1</b>		<b>Podrška certifikaciji organske proizvodnje</b>	
	a)	Podrška certifikaciji organske proizvodnje	50.000,00
		<b>SVEGA D:</b>	<b>14.250.000,00</b>

d) Za model ostalih vrsta podrške

1) Tabela 6. Raspodjela sredstava za mjere iz člana 25. ovog Programa.

<b>E/</b>	<b>MODEL OSTALIH VRSTA PODRŠKI</b>		
	<b>Broj</b>	<b>Naziv mjere</b>	<b>Iznos u KM</b>
<b>E/1-1</b>		<b>Sufinansiranje osiguranja</b>	
	a)	Sufinansiranje troška premije osiguranja od mogućih šteta u poljoprivrednoj proizvodnji	Pravilnik 180.000,00
<b>E/1-2</b>		<b>Sufinansiranje stručnih skupova, kongresa, simpozija, seminara i sajmova</b>	
	a)	Sufinansiranje organizovanja stručnih skupova, kongresa, simpozija, seminara i sajmova	Pravilnik 80.000,00
	b)	Sufinansiranje izlaganja na poljoprivrednim sajmovima	Pravilnik 70.000,00

<b>E/1-3</b>		<b>Sufinansiranje realizacije projekata od značaja za Federaciju BiH</b>		
	a)	Sufinansiranje troškova po osnovu penzijskog i zdravstvenog osiguranja za registraciju poljoprivrednih obrta.		1.000.000,00
	b)	Izrada Strategije razvoja poljoprivrede i ruralnog razvoja Federacije BiH za period 2021.- 2027. godina	Pravilnik/ Javni poziv	200.000,00
	c)	Izrada Operativnog programa razvoja zadrugarstva u Federaciji BiH za period 2021. - 2027. godina	Pravilnik/ Javni poziv	50.000,00
<b>E/1-4</b>		<b>Sufinansiranje organizovanja poljoprivrednika</b>		
	a)	Sufinansiranje aktivnosti privrednih društava i poljoprivrednih zadruga u otkupu ili vlastitoj proizvodnji poljoprivrednih proizvoda, s ciljem njihove prerade ili izvoza.	Pravilnik	1.000.000,00
	b)	Sufinansiranje nabavke kancelarijske opreme, namještaja i troškova zadružne revizije	Pravilnik	70.000,00
<b>E/1-5</b>		<b>Sufinansiranje troškova standardizacije proizvoda odnosno proizvodnje</b>		
	a)	Sufinansiranje troškova uvođenja i certifikacije standarda u poljoprivredi i prehrambenoj industriji.	Pravilnik	70.000,00
<b>E/1-6</b>		Podrška različitim programima pokretanja proizvodnje i slične mjere koje nisu obuhvaćene ostalim modelima, te mjere zemljišne politike		
	a)	Podrška različitim programima pokretanja proizvodnje i mjere zemljišne politike.	Pravilnik/ Javni poziv	550.000,00
		<b>UKUPNO E:</b>		<b>3.270.000,00</b>

e) Odjeljak F: Sudske presude i rješenja po žalbama

1) Tabela 7. Sudske presude i rješenja po žalbama iz člana 35. ovog Programa

<b>F/</b>	<b>Br.</b>	<b>SUDSKE PRESUDE I RJEŠENJA PO ŽALBAMA</b>	<b>Iznos u KM</b>
	1.	Novčane podrške - ostvareno pravo u ponovljenim postupcima provedenim po pravosnažnim sudskim presudama u oblasti novčanih podrški iz prethodnih godina i pravosnažnim rješenjima donesenim u drugostepenom postupku po žalbama	480.000,00
		<b>SVEGA: F</b>	480.000,00
		<b>SVEGA: A+B+C+D+E+F</b>	<b>87.000.000,00</b>

**MINISTAR**  
mr.sci. Šemsudin Dedić